

# Kunamathuba okuhweba ngezimbuzi



**EZITHOMBENI:** UDkt Bandile Mkhize ungomunye othule inkulomo yakhe phambi kwezihambeli ebezizothamela inkomfa yokufuya kwezimbuzi.

## MBALI DHLOMO

INKAMPANI eyaziwa nge Goats Unlimited, ibambisene noMaspala weTheku, basanda kubamba inkomfa engajwayelekile eyaziwa nge Goat Agri-Business Conference, nebise Botanic Gardens eThekwini ekuqaleni kwenyanga ka November.

Inhloso yalenkomfa bekuwukuhakambisa ukubaluleka komkhakha wokufuya kwezimbuzi kulesisiFundazwe, njengoba ucwaningo lutshengisa

ukuthi ilinganiselwa kwengaphezulu kuka 400 000 iminden efuye izimbuzi kuleli. Nakuba kunjalo, okuphawulekayo ukuthi lemndeni ayenzi nzudo ngalemfuyo yayo.

Phakathi kwezihambeli zalenkomfa, kubalwa abanini mapulazi abafuye izimbuzi, abaholi kanye nabelaphi bendabuko, izikhulu eziqhamuka kuhulumeni wesiFundazwe kanye nalabo abebeze ngoba befisa ukuzoziwela mathupha ukuthi

bangawasungula kanjani amabhizinisi abo ngalemfuyo.

Izihloko ebezidingidwa kulenkomfa kubalwa, udaba lokudayisa izimbuzi nemikhiqizo eqhamuka kuzona, ukudayiswa kwezimbuzi emazweni angaphandle nelakuleli, udaba lokuqikelela inhlanzeko nezemphilo uma uzofuya izimbuzi, amathuba amabhizinisi nokudaleka kwemisebenzi, izinhlobo zezimbuzi ezikhona lapha eNingizimu Afrika nokuthi zifuywa kanjani, udaba

lokusetshenzisa kwezimbuzi nemikhiqizo yazo emasikweni, nezinye eziningi.

Abebehambеле lomhlangano bazizwele ngokwabo ukuthi miningi kangakanani imikhiqizo ephuma ezimbuzini, njengobisi, insipho, inyama, i-burger, ushizi, izimonyo zokugcoba emzimbeni, nokunye okuningi.

Lokhu kwenze kwacaca kamhlophe ukuthi izimbuzi akuzona nje ezokufeza izimfuneko

zamasiko kuphela, kepha ungahweba ngokuphelele nangazo.

Ngasemaphethelweni alenkomfa, kuvunyelwene ukuthi makhulu amathuba okuba udlondlobale lomkhakha wokuhweba ngezimbuzi kulesisiFundazwe saKwaZulu-Natal, nokuthi kubalulekile ukuthi uhulumeni asebenzisane nabahwebi nabanini-mapulazi ukuze kuge nengubekela phambili.

**INKAMPANI yakwa Goats Unlimited, eholwa ngu Dkt Bandile Mkhize, ithi injongo yayo ukuthi abantu abansundu bakuleli kube yibo abahamba phambili ekukhiqizeni izimbuzi ngenhloso yokwenza inzuzo.**

**Lenkampani ayigcini nje ngokugqgqquzelu umphakathi ukuba ubambe iqhaza ekufuyeni izimbuzi, kepha ibuye yenzise nezifundo zakho ukufuya izimbuzi.**

**Uma ufisa ukwazi kabanzi ngalokhu, ungangena kwi-website yabo ethi: [www.goatsunlimited.co.za](http://www.goatsunlimited.co.za) noma ubashayela kulenombolo: 079 522 3789, noma ubathumele umyalezo ku-whatsapp kwethi: 082 578 5062.**



# ASIDAYISI NGEMISEBENZI NAMA THENDA

Yilwa nenkohlakalo nokukhwabanisa

INOMBOLO  
YAMAHHALA:

0800 202020

